

Ufficio Stampa della Provincia autonoma di Trento
Piazza Dante 15, 38122 Trento
Tel. 0461 494614 - Fax 0461 494615
uff.stampa@provincia.tn.it

COMUNICATO n. 2279 del 23/08/2025

Manà fora su Trentino Tv l program l vegn endrezà dal Comun General de Fascia

“Pedies”: per en sabeda ai 23 de aost vegn fora la puntata #500 del program ladin per la televizion

[Ladino] Ence chesta setemèna l é a la leta l nef apuntament de “Pedies”, rotocalch ladin de informazion, ruà a la puntata n. 500. I argomenc de chesta setemèna. Acà diesc egn, de oril del 2015, l é vegnù fora la pruma puntata de Pedies, program de informazion per ladin. Enlouta a portèr dant chest nef projet l era Martina Debertol. Anché, rué a la puntata numer 500, volon ve meter dant na puntata spezièla per ge jir do a la storia de chest projet: da sia ideazion a sia “messa in onda”. Aon tout su la intervistes de chi che, acà diesc egn, se à pissà l projet, col didèr a meter a jir na ousc de informazion per ladin. No menciarà vèlch retroscena sul lurier che la redazion fèsc vigni dì e che de zenza resta sconet.

Te la rubrica “Svampol ciatarul: jent che fèsc jerveèr sie cunst” ve fajon cognoscer Giovanni Chiocchetti – Kamiz e sie gran gust per tecnologia, foto e video, da chel che l é vegnù fora n passatemp dassen curious. De fat con na stampanta 3D l rua, con gran atenzion per l detai, a fèr picles reproduzions de paesajes e soraldut frabicac.

I reports de chesta setemèna, enjigné da Riccardo Zanoner e Angela Pederiva i vegn porté dant co la ousc de Angela Pederiva.

Metù a jir col sostegn del Comun General de Fascia, de la Provinzia autonoma de Trent e de la Region autonoma Trentin – Sudtirol, “Pedies” l va fora su Trentino Tv – canal 10 Prov. de TN- vigni sabeda da les 18.00 (sie da sera), de domenia da les 13.30 (mesa la does domesdi) e de lunesc da les 11.30 (mesa les doudesc).

L program ades l va fora ence sun AltoAdige TV – canal 11 de BZ - vigni domenia da les 18.00 (sie da sera).

Se pel veder duta la puntates ence sul canal YouTube de TV Ladina sot chest link:
<https://www.youtube.com/@TvLadina>

opuramenter se pel veder i servijes un a un su la piata Facebook de TV Ladina
<https://www.facebook.com/TelevizionLadina>

Traduzion di Servijes Linguistics e Culturèi del Comun general de Fascia

(cdt)